

# 平金子義連

佐原氏者相州三浦之族而其先出自平姓矣義連之曾祖曰為繼為繼父曰為通任長門守是為三浦之祖為通父曰忠通忠通父曰良文共任鎮守府將軍良文者乃平祖高望王之子也為繼子曰義繼義繼子曰義明稱大介義明之次男義澄呼別當荒二郎十男義連所謂佐原十郎是也高倉帝治承四年之夏源賴朝公勃興焉義明以其黨歸之秋八月二十三日石橋山之戰源軍敗績公匿形而去二十四日三浦與畠山戰于油井濱小坪坂三浦利斬首五十餘級重忠怒之奮擊義連等操短兵急當之重忠危畠山役者阻之言曰三浦畠山為聯族何冤如此敵哉而重忠免焉時上總介廣常弟金田大夫賴次以七十餘騎屬三浦焉重忠欲雪前日耻二十六日率其黨來三浦聞之保衣笠城畠山攻之義澄義連力戰拒之義明謂之曰兩日戰鬪兵疲矣盡汝等當逃去尋君之處君之智也人不得而害之定在安房上總二州之間夫東國誰不源家人雖一旦屬平氏豈忘舊恩哉必皆歸焉汝切勿懷二心我既耄矣不可後行不可馬乘汝欲扶去恐亦弗能也及其弗能則人必笑我言白頭所得能多少不死於城而死干徑矣又必笑汝言苟遺其親肆諸道踣矣吾獨留于此汝等往矣宜忍生戮力建君於世而領先塋所在以孝奉之是予之願也我累世為源家之臣今幸逢君之起義兵而為之致死蓋喜之哉但不親見君之拜日本大將軍而死此遺恨耳老淚泫然沾直垂袖兄弟已下號泣不肯行義明云速去而其志不可回也終皆不獲已踰城指安房國而赴焉二十七日畠山遂拔城殺義明也爰北條父子岡崎四郎義實近藤七國平等自土肥岩浦乘船亦指房州而渡與三浦遇于海上拍手相懼二十九日公掉扁舟着房之獵島北条等拜迎之數日愁眉一時開散矣尋而畠山來伏焉公謂三浦言不受降者大事不可成當為忘私讎三浦義不辭五年之夏公選善射者十一人直宿御寢所義連其一也公乘納涼之輿逍遙乎三浦訪義明之舊跡義澄拜辱設盛饌饗之公宴樂無貴無賤飛觴歌舞時公脫水干賜岡崎四郎即命著之上總介嫉之曰若廣常者合當拜受之而義實蒙此賞則意外之事也四郎嗔曰廣常自負功云爾豈比義實之忠哉二人爭欲兵公不敢下言辭義連出叱云義實之吹濫老狂之所致歟廣常亦乖物儀也猶有憤則可期後日今妨御遊甚無狀制止之安德帝壽永三年春正月公遣兩弟蒲冠者範賴九郎義經為節度使帥兵數萬誅木曾擊平氏二十日兩將破木曾軍入洛義仲走義澄義連等追之義仲遂被誅二月七日源平決勝一谷東西兩口之戰閩聲雷轟劍光電奔交射飛雨刺擊流血義經以精兵七十餘騎廻至鶴越即言可以九郎為範而馳驅深入險阻頭上嶙峋目下鎗劄進退窮而士卒屈義連進曰此是三浦之馬場也先驅義經繼之士卒皆馳揚聲放火音響千谷烟舞千風城中以為大軍襲來失度而潰焉義連之勇名於是乎籍甚矣四年之春兩將追伐平氏西州義澄義連從有戰功焉後鳥羽帝文治四年秋七月十日賴家公始著鎧其儀尤嚴義連進御劍五年之春正月九日賴家公有弓始之禮使射手十人行之義連其一也夏召北条三男於公所命元服武藏守參河守以下相列著坐三獻禮畢童子進御前公命義連加冠義連辭退重命言上首列坐其辭亦可也然往年三浦遊宴之時廣常義實喧競之處義連克治之於今乎不忘之此小童者內室之所竚異将来託之不可固辭義連乃進加冠字曰時連秋公東征源軍破伊達厚賀志山之要害逼千西城戶國衡血戰禦之義澄義連等勵衆戰疾攻急而國衡死之奧師撓敗源軍乘勝追亡公令義連等整旅擊之而泰衡遂授首公使義澄義連等討其餘黨而奧羽悉平夷矣公賞功臣而封義連於會津城鎮東北矣建久元年冬公上洛義連供奉任左衛門尉矣三年秋八月九日實朝公誕生義連獻御護刀四年之夏公狩富士野曾我夜擊之翌日時宗於幕下勇士侍左右義連其一也夫義連斷金之志公亦諒之凡出御則先後之每有事則與於此焉嘗司和泉紀伊兩國守護職矣公任征夷將軍之時使義澄奉勅使之除書是思義明忠死之言也人皆感羨之矣抑義連兄弟之不顧親之死與漢之王陵趙苞異世同情之事也可不哀哉可不憐哉其扶父而去則既已不能也儻與父共死乎或與父共降乎此皆父之不可許也必矣然則與其違父命而死無益也寧相君而繼父之志者耳使程子論之則亦可與王趙同斷案耶蓋不可知也義連娶伊東氏生盛連盛連之子光盛是為葦名會津二氏之祖其子泰盛次盛宗次盛貞次直盛次詮盛次盛久盛久無子弟盛信立其子盛詮次盛高次盛滋盛滋無子弟盛舜立其子盛氏是時中貞仙道白川來附爲其次盛貞之封於此來娘士撫民給養賑窮賞孝子節婦禁殉葬火葬謹權量寬租稅行朱子社倉之法嘗修會津風土記遺家臣巡封疆而聞義連之墓在千葉麻郡嘆曰先封之主名將之迹我後人之所以可圖不朽也遂令磐石立碑命柯為之文嗚呼是又惜絕歟廢可謂偉舉矣不肖既與於修風土記而潤色其文則斯命也亦不得辭迺考其譜表其事聊論之且繫以銘其銘曰

佐原之系 平氏之族 世仕源家 久得定食 大介貽謀 十郎忍辱 繼父之志 共臣之職  
維肱維股 維心維腹 李固斷金 趙峻匪石 勇蔑黜舍 氣陵賁育 御宴治亂 京寇追北  
身生三浦 名揚一谷 奧俊之勲 會封之福 曰羽林拳 銘金吾城 圓首方趺 過者可式

東面  
寛文八年戊申仲夏初三日